

AKHBAR : BERITA HARIAN

MUKA SURAT : 23

RUANGAN : NASIONAL



Berdasarkan beberapa sesi rundingan dengan MMA dan DOSM, satu julat fi perundingan yang baru dipersetujui.

Dr Dzulkefly Ahmad,
Menteri Kesihatan

Semakan fi rundingan doktor swasta dimuktamad bulan depan

Kuala Lumpur: Semakan untuk mengurangkan fi rundingan pegawai perubatan swasta akan dimuktamadkan bulan depan.

Cadangan semakan itu perlu dibincang pada peringkat Majlis Tindakan Kos Sara Hidup Peringkat Tertinggi sebelum caj rundingan yang dicadangkan, iaitu antara RM30 hingga RM125 dapat dikurangkan kepada nilai lebih rendah.

Menteri Kesihatan, Datuk Seri Dr Dzulkefly Ahmad, berkata susulan arahan Kabinet, Jawatankuasa Majlis Tindakan Kos Sara Hidup Negara (NACCOL) turut memutuskan kajian berkaitan terhadap indeks harga pengguna (CPI) perlu diambil kira jika caj

kenaikan diluluskan.

"Hasil kajian ini dibawa Majlis Tindakan Kos Sara Hidup Peringkat Tertinggi yang dipengerusikan Timbalan Perdana Menteri.

"Berdasarkan beberapa sesi rundingan dengan Persatuan Perubatan Malaysia (MMA) dan Jabatan Perangkaan Negara (DOSM), satu julat fi perundingan yang baru dipersetujui.

"Antara lain, 'encounter fee' (jumlah caj perundingan dan caj ubat-ubatan) dikekalkan bagi kes yang lazimnya dirawat pengamal perubatan swasta," katanya pada sesi Waktu Pertanyaan Menteri (MQT) di Dewan Rakyat, semalam.

Beliau menjawab soalan Datuk

Dr Noor Azmi Ghazali (PH-Bagan Serai) mengenai status permohonan 7,000 doktor perubatan umum untuk mengharmonikan fi perundingan yang tidak disemak sejak hampir 12 tahun.

Ketika ini, fi perundingan pengamal perubatan am swasta di klinik swasta dikawal menerusi Jadual Ketujuh Peraturan Kemudahan dan Perkhidmatan Jagaan Kesihatan Swasta (Klinik Perubatan Swasta Atau Klinik Perigian Swasta) 2006, di bawah Akta Kemudahan dan Perkhidmatan Jagaan Kesihatan Swasta 1993 (Akta 596).

Ia belum pernah dipinda sejahtera diperkenalkan.

Menjawab soalan tambahan Da-

tin Mastura Yazid (BN-Kuala Kangsar) mengenai penyakit tuberculosis (TB) yang dikesan kembali di negara ini, Dr Dzulkefly berkata, kerajaan sedia menimbang cadangan melakukannya pemeriksaan rambang dan berkaia di kawasan pembinaan.

Ia bertujuan membendung penularan TB yang mungkin dibawa oleh pekerja asing masuk ke negara ini.

Dr Dzulkefly tidak menolak kemungkinan wabak penyakit berjangkit itu berpunca daripada warga asing berkenaan, walaupun pemeriksaan kesihatan dibuat dalam tempoh sebulan selepas ketibaan mereka di negara ini.